



QVÆSTIO MEDICA

QVODLIBETARIIS DISPUTATIONIBVS

MANE DISCVTIENDA

IN SCHOLIS MEDICORVM,

Die Iovis 9. Februarij.

M. IACOBO MENTELIO, Doct. Medico, Disceptatore:

An Purgatio solùm à Plantis ?

I.

IS est animus, & is ordo in rebus, ut semper agant seque-
gerant, pro ratione & finibus univēsa Natura. Illa
quippe constans in opere, omnia sic facit, & sic accuratè
dirigit, ac si esset verè *ὀρενῆς* plenaque consilij, temperan-
tia & aequitatis. Quod si hoc ipsum alicubi constituat atque
demonstret, id potissimùm facit magistra in arte in qua profe-
ctò nō Medicis purgationem molientibus, aliudve tentantibus
adfuerit & opituletur: Tantum abest ut aegris proficiant;
quin contrā summè officiunt & nocent. Atque ut ille, qui
ὁ δὲ ἐχὲι πηδάλιον, numquam non errat, & infelicem suc-

A

cessum sortitur: sic Medicus, non adspirante Natura, damnis auget sapius quàm commodis egrotantes; sive hac urgeat, sive illa curandi sedulitate, qua miseros peraquè occidit officiosissime.

I I.

PURGATIO, est moderatio, qua selectis & expellente Natura, devolvendis unà cum medicamento malis humoribus, corpus impune liberatur. Cui substruenda & ad summam deducenda Stibium, quod utiuntur, precipuum & maximum in se continet, Arcanum aliorum Mineralium, penitus disconvenit: ut & vitriolum, hydrargyrus, & cetera moris ejusce permulta; tanto certè nocentiora, quanto magis ad ignem experta & excocta; quantoque magis exactiori toxicorum misturà, apparata fuerint. Ac istud inter alia: Quod quia delicatulis & tenerima conditionis visceribus seu nutritiis seu vitalibus; an etiam cerebro? lactibus, glandulosis Herophili corporibus, in quorum minera liceat dixisse, Chylus à stomacho paulum etiam elimatur, dein elutriatur in vas χυλόδενον, quod haud rectè thoracicum vocant; ductulis lymphaticis, aliisque intervaneis fragilibus ἀντιφύει, Antimonij nomen Recentium sapientiores, inditum esse contendunt. Exemplo sit Regulus abs eo notatus, Gilla Virioli, precipitatum Mercurij, & aliaejusmodi nomina mille, mille nocendi artes, à quibus cane pejus & angue discavent Medici quam plures. Et verò! Prudentibus-ne conveniret, scrutis hisce feralibus, & ab illata continuo bonis civibus pernicie abominandis; explosis salubribus & innocentibus praesidiis, cassia nempe, agarico, senna, rosis, Rhabbarbaro, tamarindis, ut innumeras alias Plantas praeteream, Graecis quidem veteribus incognitas: Sed ab Ara-

bibus, ante sexcentos annos primùm nobis communicatas, quibus mundum ditavit, ornavit, beavit magnificentissima Dei Opt. Max. liberalitas. Dij meliora! Sapiaentia & probitate, doctrina & eruditione Medicum oportet splendere; non obstipio capite, Davi in morem, palpum omnibus obtrudendo prensandoque, negotiari animas, agros ludificare, & funereas inferre faces inscitia & temeritate, vitiis indelebilibus Nostratium Paracelsi, uti quondam Thessali ipsius, Sectatorum, Galeno iudice.

III.

Adivini Senis mente, juxta ac sapientis ejus Interpretis, Operum ubique suorum explicatâ & omnibus obvia, toto cælo aberrat: humanissimamque Artem in carnificinam convertit Medicus, qui in difficillimis morborum temporibus & crudis adhucdum, nec mitificatis humoribus, asperissima quæque & valde vacuantia Pharmaca oggerit: Qualia sunt Mineralium essentie, quas volunt, & malignissimi Fossilium titiones. Quæ cum vitâ potita sunt numquam, nihilque ac ne 28^o quidem, societatis nobiscum habeant, nec cum calore nostro necessitudinis: imò toto genere deleteria sine & teneantur: Obruere illa potius, & agris miseris Theta nigrum præfigere, quàm illos solari, nedum absolvere, quod Plantarum est proprium, quæ scilicet vitam vivunt, & auræ fruuntur æthereæ, excipiantque nos semper amicè. Adeo ut assumptis illis ab ebibitis cautè atque prudenter, laborantes invalescant, & sæpius à meta mortis ad vitam, velut postliminio, revertantur atque sanescant: Aliter cum suis metallis, Libiina sacrantur à Parabolanis. Ite nunc, & vanis falso Medicorum, Blennorum, Bardorum pollicitationibus pectora vestra implete: Ite & severis Dogmaticæ Sectæ legibus,

ac rationi bene subductæ : Quin & felicibus proborum, peritorum in ea virorum, experimentis obfistire.

I V.

PLANTAM (quæ corpus est vivens, ποικίλον καὶ χαλεπὸν εἶπεῖν κατὰ Theophrasto, alendis ac medicandis Animantibus à Terra productum) universè ac generatim Botanici divisere in Arborem, Fruticem, ὄφρυλλον & Herbam. Quorum partes utique in quinque diducunt : Radicem nimirum, truncum seu caudicem, folia, flores, & fructus : Ex quibus non modò vivimus, accrescimus atque constamus : sed & cunctis malis defungimur affectibus, ac placidè vitam traducimus, ope primarum quatuor qualitatum, suis δεκτικαῖς, seu materiæ & concremento substantiæ inherentium ; calore videlicet, frigore, humore, & siccitate : Ita quidem ut si morbis exercemur frigidis, calefaciamus ; si calidis, refrigeremus ; si humidis, exsicceamus ; si siccis, humectemus. Has cò sequuntur & aliæ ; quæ quia dimanant à primis, secundæ nominantur, tenuitas videlicet, & crassities, aliæque quamplures, paris generis, quæque nos juvant, & recreant simili quoque contrarietatis molimine : Aut enim emolliunt, aut indurant, laxant, intendunt, attenuant, incidunt. Præterea densant aut adstringunt, detergent, aperiunt, aliasque id genus operationes committunt pro natura partis, & specie vel modo affectûs urgentis, proque varietate mixturæ naturalis, vel artis à Medico susceptæ, absque mysterio causæ formalis. Quæ ut Physicis vel oclarioribus abstrusa est atque occulta, sic Medicis parum necessaria censei debet. Hisce si addas Plantarum cum putridis humoribus similitudinem atque convenientiam, qua hi vel illi proli- ciuntur : In Purgationibus omne punctum feres : secus ac in

Mineralibus, quorum modo quo volueris, boni malique simul feruntur, profunduntur humores, ingratijs Naturæ, invitâ illâ & repugnante: Adeo ut per illa, propriè dicta Catharsis, si-ve Medicatio præstari non possit. Quidquid isti delirent: Quidquid virtutis insignia sine virtute assequuti Cinifiones præposterî; clariùs, ægrorum tortores nefarij, divinam Medici personam mentientes protervè, refrigerando effutiant atque balbuiant, animòsque à crimine sumant.

V.

IN negotio Purgationis, verè & propriè quæ arte fit & remediis, tria inter se videntur certare: nempe Natura cui medicinam facimus, Medicamentum seu Planta quæ purgat, & ipsa quæ abigi debet, Impuritas. Sic tamen ut illa bellum magis cauponari quàm belligerare possis asserere. Ita quippe bellandi invicem vices discriminant, ut hausto purgante, eoque statim subeunte ac noxios humores penetrante, Natura sui diligens ac rerum satagens suarum, ab utroque quasi commonita & excitata, occasionemque se se extricandi opportunè nacta, sibi decernit vindicias, & alacriter se accingit ad opus: à quo deinde non cessat, priusquam utrumq; suis sedibus emotum pepulerit ac rebus salvis, foras eliminaverit, quibus signis est nota Catharsis bonæ frugis, & in commodum atque gratiam ægri facientis. Quæ in eo præcipuè à vacatione differt: alia-ve non recta nec castigata humorum exclusionem: Quod Purgatio semper fiat ex Plantis, quæ ubi ingesta & in ventriculo fusa, hinc in locos seu ductus, cacochymia biliosa, pituitosa seu melancholica refertos, delatæ fuerunt: Natura non ferens earum acerbicatem, fetorem, aut acorem, (qui individui sunt comites Medicamentorum purgantium) & coquere ac in se superare illas nesciens ac res-

puens, regerit, & unà cum impuritatibus deturbat, longiusque, qua valet, amandat: Vacuatio verò omnium simul humorum est, & exlex ac nullo delectu facta profusio; maxime si comparetur ex Mineralibus deglutitis, hoc est calidis siccis egregiè Pharmacis; aut insigniter frigidis; & ejusce insuper nominis, ut elidi, subigi & in actum referri à calore nativo non queant: Quin imò in Chymi receptaculo, ubi semel ingesseris, eo usque persistunt, donec puncta & lacescita expultrix facultas, à maligna & deleteria eorumdem qualitate: vomitu aut dejectione, (modo exantlando Natura sufficiat) gemendo extrudat. Sin minus, quod plus quam semel in die accidere, commisere scimus, vehementissimos inter conatus & èpetiops cruentos, miser egrotans, non vi quidem morbi, sed malignitate pharmaci, animam cogitur ebullire.

Ergo Purgatio solùm à Plantis.

DOMINI DOCTORES DISPUTAVRI.

M. Ioannes Baptista Ferrand.
M. Carolus Martens.
M. Hippolytus Duval.

M. Antonius le Moine.
M. Guido Crescentius Fagon.
M. Iacobus de Bourges.

M. Eusebius Renaudet.
M. Isaac Renaudet.
M. Antonius Morand.

Proponebat Lutetiæ GABRIEL DACQVET,
Lemovicensis, A. R. S. H. M. DC. LXVIII.

PARISIIS,

Ex Typographia FRANCISCI MUGUET, Regis ac Illustr.
Archiepiscopi Parisiensis Typographi.